



Sel Prestuhn Thomas S. Monson

Ahkostwen Use Mwe Insewowo uh

Sie etuh ke ma pwacye ac top nuh ke kihsen siyuck yohk lasr tuhkuh nuh sesr ke kuht ahkostwen nuh ke masap luhn God.

Tamuhlwel ac tahmtahel wolacna wiyuck an, fuhkah kulohlacna luhk in wi kowos olutu se inge uh. Nga oruh nguhsr se ke luhlahl-fongi kuh ac pruhe lowos an nuh ke pacl wo luhk in sramsram nuh suwos.

Ke matwac nuh kwewa, mukul ac muhtwacn uh suk ke etuh ac kahlwem nuh ke moul se inge ac ma kunaclos ac srihpac kac uh, oacyacpac nuh ke inkacnek in eis mihs lac ac engan. Kais sie sesr wi ke kain sukok se inge.

Etuh ac kahlwem se inge oasr yurin mwet nuh kwewa. Ma inge nwekyucklac ke ma pwacye suc pa ma pahtpaht. Ke Doctrine and Covenants ip 1, fuhs ahk 39, fwackyuck muh, Leum pa God, ac lah Nguhn el suhmuhslah, ac ma sihmihsyucklac uh pwacye, ac ma pwacye uh ma ne tok ma pahtpaht.

Mwet sihm pohloh kahs usrnguck pwengpweng se suhmuhslah:

Finne ma inkuhsrao ac facluh uh enenuh in wacngihnlac kuh kuhmanuclac,

*Ma pwacye, luhpan ma oasr uh,
fah kutong ma koluk na pwacye
ma kuh in sikyak uh,
Ma pahtpaht, tiac kuh in eklac,
pacl nuh kwewa.¹*

Kuhtuh kuh in siyuck, “Kain ma pwacye inge e sukokyak oyac, ac kuht ac akihlen fuhkah?” Ke sie fwackyuck ituckyang nuh sel Mwet Pahluh Joseph Smith fin acn Kirtland, Ohio, ke Mei yac 1833, Leum El fahkwack:

Ma pwacye pa etuh ke ma uh inge, ke pacl met ah, ac ke pacl fahsruh uh. . . .

Nguhn luhn ma pwacye uh ma sin God. . . .

Ac wacngihn mwet eis nohfohn ne ke na el karihngihn masap Lal uh.

El suc karuhnganwacng masap luhn God eis ma pwacye ac kahlwem, nwe ke na el kaksyahkiynyucklac ke ma pwacye ac etuh ma nuh kwewa.”²

Fuhkah kaksyahkiynyacn olwelah uh! “El suc karuhnganwacng masap

luhn God eis ma pwacye ac kahlwem, nwe ke na el kaksyahkiynyucklac ke ma pwacye ac etuh ma nuh kwewa.”

Nga kuh kom tiac enenuh ke pacl se inge ke yohk etuh lasr ke fohnlah luhn wosacuh uh fohlohkyak uh, in suk ke ma pwacye ke ohiyac ma soenna oreklac met. Pahpah pahkotwen Inkuhsrao se El orwacrah tari inkacnek in fahsr lasr uh ac sang tari mwe kolyuck tiac kuh in tahfonglac se—finne *ahkostwen*. Etuh se ke ma pwacye ac top ke kihsen siyuck wowo lasr uh tuhkuh nuh sesr ke kuht ahkostwen nuh ke masap luhn God.

Kuht lutlukihn ahkostwen ke lusacn moul lasr uh. Muhtwacwacack ke kuht fuhsr na pwacye ah, kunohkohn ingacn nuh ke karihngihnyacsr orwacrah mwe kolyuck ac masap in liyacacng in wo nuh sesr. Moul uh kuh in fihsrwacsr liki nuh sesr nuh kwewa kuht fin kuh in ahkos in wo kain masap uh. Puhs sesr, tuhsruhkuh, etwacrah ke puhlakihnyacn etuh ke ahkostwen uh.

Ke nga mahtuhyak ah, kais sie suhmuhk ke muhtwacwacyacn Julahenwe ke muhtwacwacyacn Septempuh, sucu luhk ah muhta ke lwac lohm se sesr ke Yen in Muhtwacta Vivian ke Fuhluh Provo fin ac Utah.

Sie sin kawuck wowo se luhk ke lwen mwesahs ingoh ke fuhluh sac pa Danny Larsen, suc ma sucu lal ah oasr pac se lwac lohm ke Yen in Muhtwacta Vivian. Kais sie lwen nga el foroht forma ke acn sac, ahyah ke infacl, til kainin yot ac mwe kahsruhpsahyac, fanfan finohl, fanfan sahk, ac pwacrkihn kais sie mihnit ke kais sie ao ke kais sie lwen.

Sie lututacng ah nga Danny su-
laclah kuht in tanwack sie e ah ke
ekuh sac wi kawuck lasr nuh kwewa
ke fuhluh sac. Kuht enenuh na in
sackuhnlah acn se ke yen mwesahs
se apkuhran nuh we ma kuht nuh
kwewa in fahsrweni nuh we. Mah ke
Jun ma nwacklah yen mwesahs sac
puhlamlamlah ac srihng, oruh yen
mwesahs sac tiac wo nuh ke srihpac
lasr ah. Kuht muhtwacwacack in fihs
mah loeloes ah, plwacn in ahkmwe-
sahsyelah acn na luhlahp ac raun se.
Kuht ul ac tuhlakihn ke kuhiyacsr
nohfohn, tuhsruhk pwacna ma kuht
kuh in fuhsack pa mah srihsrihk
nakantwen uh. Kuht etuh lah oruh
se inge e sislah lwen na fohn se, ac
lalosr ac engnweyac sesr srihkweni.

Na ma se nga nuhnkuh muh pa
wo emet in orek ah tuhkuh nuh in
mwe nuhnak luhn matwac yac alkosr
se luhk ah. Nga fahk nuh sel Danny,
“Pwacna ma kuht enenuh in oruh
pa in fuhrreack mah inge. Kuht ac
fuhrreack na sie raun an ke mah
inge!” El sana insese nuh kac, na nga
kahsruh sr som nuh ke lwac lohm sesr
ah in eis sie mactsis ac.

Oruh sac wacngihn suwos nuhn-
kuh muh lwelahkihnnyucklac nuh sesr
in orekmakihn mactsis ke matwac
fuhsr yac alkosr. Nga ke in kahlwem
lah nga Danny kwewa sruhngwac-
yuck in orekmakihn fin wacngihn
mwet mahtuh wi kuht. Kuht kwewa
sensenkackihnyuck nuh sesr pacl
nuh kwewa ke e uh. Tuhsruhktuh,
nga etuh acn ma sucu luhk ah fihliyac
mactsis ac we uh, ac kuht enenuh in
ahkmwesahsyelah acn sac. Met liki
nuhnak se pac tuhkuh nuh sihk ac,
nga yuclac nuh ke lwac lohm sesr ah
ac sruhwack koan mactsis ekahsr, in
wacngihn mwet liye. Nga sana okan-
lah lun sie sin pakiht luhk ah.

Nga kahsruh sr fohlohk nuh yoh-
rohl Danny, pwackrihn lah lun pakiht
luhk ah pa e orwacлах elyah se lasr
ah. Nga esamwack in nuhnkuh lah e
sac e fuhrreack muhkwenah acn kuht
luhngse ah ac e usrnguck in sifacna
kunlac.

Nga kuhret mactsis sac fin yot se

ac oruh puhlamlamiyacn mah ke Jun
ac ngutyak. Mah ah fihrihr in muh
sroksrokihnnyucki ke kahsling. Muh-
twacwacackiyac ah nga Danny pwac-
rack ke kuht liye mah ah wacngihnac
ah, tuhsruhk tiac paht e sac tiac kuh
in sifacna kunlac. Kuht fosrngahlah
ke kuht akihlacnwack lah wacngihn
ma kuht kuh in oruh in konwelah
ah. E ngweng sac muhtwacwacack in
isihk mah innimac ah som nuh ke ohl
soko ah, isihk sahk luhlahp ah ac ma
nuh kwewa siskac ah.

Sahflahiyac ah wacngihn ma kuht
kuh in oruh tuhsruhk in kahsruh sr
som sukok kahsr. Tiac paht mukul
ac muhtwacn nuh kwewa ma oasr
Yen in Muhtwacta Vivian ah yucwot
yucme utuck pack nuknuk luhlahp
ma sroksrok, sang puok e ah in ko-
nwelah. Tukun ao ekahsr kuniyuck-
lac e ah. Sahk luhlahp mahtuh ah
pain moullac, weacng pac lohm ma e
sac kuh in sun ah.

Nga Danny lotwelah lesin upac
tuhsruhk yohk srihpac ekahsr ke
lwen sac—ip yohk se kac ah pa yohk
srihpaciyaacn ahkostwen.

Oasr masap in kahsruh moullac
luhn mahnosr uh. Oacpacna ke,
Leum El sang mwe kolyuck ac masap
in kahsruh moullac ke ip luhn ngu-
hn lasr uh kuht in muh kuh in kihfucs
wo moul kwacna- kuhfkuhf se ac in
kuh in fohlohk nuh yurin Pahpah
tuhmasr Inkuhsrao.

Yac foko somlah ah, Samuel el
fahkwacng na nuh sin fihl in mwet
suc nuhnkuh kuh ke kihsacлах luhn
kosro uh lah, “Ahhkos wo liki mwe
kihsac, ac porongo wo liki sip fact.”³

Ke fihl in pacl se inge, Leum El
ahkkahlwemye nuh sel Mwet Pahluh
Joseph Smith lah El enenuh insiyac ac
nuhnak insese ac lah insese ac ahkos-
twen kuh in kanglah ma wo ke acn
luhn Saion ke lwen sahflah inge.”⁴

Mwet pahluh nuh kwewa, omet ac
in pacl inge uh, etuh lah ahkostwen
yohk srihpac nuh ke molwelah lasr
uh. Nephi el fahkwack lah el ac som
ac oruh ma Leum El sapkihn.”⁵ Kuh-
tuh ne tikuckluc ke luhlahlfongi kuh
lalos ac ahkostwen lalos, Nephi el

oruh ma Leum El siyuck sel uh pacl
nuh kwewa. We pucspucs ahkinse-
wowoyeyuck ke oruh lal.

Sramsram soko kacл Abraham ac
Isaac pa sramsram na mokleyuck
soko ke ahkostwen. Ac luhman ngal
upac nuh sel Abraham in ahkos
masap luhn God, in usacl Isaac kuloh
nahtuhl som nwe in facl Moriah in
kihsackuhnillah. Kuh kuht kuh
in luhma ahsoriyacl Abraham ke el
fuhfahsryucsrac nuh ke acn srihsr-
ngiyucki se? Pwacyena lah kohslah
ac nuh ahkngalye na upac kwewa
mah nol ac nuhnak lal ke el kapriyac
Isaac ah, fihlilyac fin loang se, ac
sruhwack mitmit nahtuhl in unilyac.
Ke luhlahlfongi kuh tiac ahlohloh
ac luhlahlfongi pwacye ke Leum, el
oruh fahk luhn Leum. Sulkackihnyac
ah arulacna wo, ac Abraham lac nuh
sruikihn na pwacye ke tuhkuh ah.
“Nimet kom kahlyac tuhlihk sacn kuh
oruh kuhtwena ma nuh sel: Inge nga
etuh lah kom ahkfuhlwactye God ac
ahkos ma El sapkihn, mweyen kom
tiac sruokyac wen sefanna nuhtum an
luhkwel.”⁶

Abraham el srihkeyuck ac sikengi-
yuck, ac ke luhlahlfongi na kuh ac
ahkostwen lal Leum El sang nuh sel
olwelah wolacna: “Muhtuhnacl nuh
kwewa ac fah ahkinsewowoyeyuck
oacna ke Nga ahkinsewowoye fihtac
lom; ke srihpen kom tuh ahkos ma
nga sapkihn.”⁷

Kuht ne tiac siyuckyuck in ahk-
pwacyei ahkostwen lasr uh ke kain
ohiyac upac ac emtuhng na pwacye,
ahkostwen enenweyuck pac nuh sesr.

Prestuhn Joseph F. Smith el fah-
kwack ke Ohktohpа 1873, “Ahhkos-
twen pa masap se emet inkuhsrao.”⁸

Prestuhn Gordon B. Hinckley el
fahk lah mwe engan luhn Mwet Luh-
lahlfongi ke Lwen-sahflah sin God pa:
In ahkostwen ke fahk luhn God pa
yohk srihpac ke mwe engan, mihsac,
kapkapwack, fahko luhn Mwet Luh-
lahlfongi ke Lwen-sahflah, ac molwe-
lah ma pahtpaht ac enganwack luhn
mwet inge .⁹

Ahhkostwen pa atac wowo se luhn
mwet pahluh; ohiyac se sang kuh ac

etuh nuh selos ke sramsram mahtuh me. Yohk na pwacye nuh sesr in akikhlen lah kuht, pac, pa luhlalhfongiyuck nuh ke mwe kahsrub ke kuh ac etuh se inge. Fihswacsr in oasr lasr kais sie mihsenge ke kuht ahkos masap luhn God uh.

Yac pucspucs nuh mihsenge, nga etwacalah kais sie mwet pucspucs suc ma luhlalhfongi yohk ac ahkostwen. Nga ahkinsewowoyeyuck ac mokleyuck selos. Nga luhngse akacsruhi nuh suwos sramsram soko ke luo sin mwet inge.

Walter Krause el mempucr yohk luhlalhfongi lal ke Alu uh suc, ke sucu lal, tuh muhta ke acn se ma etweyucklac muh East Germany tukun Mweun Ahkluo ah. Macnsis kuhnlah ma upac el puhlakihn ah ke srihpen srihklac sukohsohk ke acn sac fin facluh in pacl sac, Tamuhlwel Krause pa mwet se ma luhngse ac kuhlwacnsapuh Leum. El ahkfalye ke luhlalhfongi kuh ac taranwacng kais sie kunohkohn ituckyang nuh sel.

Mukul se sahyac ah, Johann Denndorfer, mwet Hungary se, tuh welah Alu uh fin acn Germany ac pacptaislac we ke yac 1911 ke matwac yac 17. Tiac paht tohkoh el fohlohk nuh Hungary. Tukun Mweun Ahkluo ah, el kapihri ke wacngihn mwacta ke acn el mahtuhlah we, ke siti Debrecen. Itucklac pac sukohsohk luhn mwet Hungary ah.

Tamuhlwel Walter Krause, suc ma tiac etwac Tamuhlwel Denndorfer, eis kunohkohn se in oruh mwet luti luhn sucu lal ac in muhtwacta nuh yohrohl ke pacl nuh kwewa. Tamuhlwel Krause el pahngonwack mwet luti luhn sucu wiyac ac fahk, "Utuckuh kunohkohn se lasr in muhtwacta nuh yohrohl Tamuhlwel Johann Denndorfer. Kom ac kuh in wiyuc som liyac ke wik se inge ac sang sie pweng ke wosasc?" Na el fahk pac lah, "Tamuhlwel Denndorfer el muhta Hungary."

Mukul tuhfalwack se wiyac ah siyuck, "Kuht ac som ngac?"

"Lutu," pa top se lal Tamuhlwel Krause ah.

"Kuht ac fohlohk ngac?" mukul se wiyac ah siyuck.

Tamuhlwel Krause el tohpohkohllah, "Oh, sahp wik se—kuht *fin* fohlohk."

Mukul in luti luhn sucu luo ah som in muhtwacta yohrohl Tamuhlwel Denndorfer, elos wi train ac pas ke lwacyacn acir kuhtuhlap Germany nuh Debrecen, Hungary—fuhfahsryucsr na loesloes se. Wacngihn mwet luti luhn sucu lal Tamuhlwel Denndorfer ac met liki na mweun ac. Inge, ke liyacack mwet kuhlwacnsap luhn Leum inge, el sesseslah ke kulohkihn lah elos tuhkuh. Muh-twacwacyac ah el sruhnga usrusr po nuh selos. Sahyacna, el som nuh ke infuckihl sel ah ac sruhwack pohk se ke nien fihl srihsrihk se ma nein sie tahfuh singucul lal ma el sefi ke yac pucspucs. El sang nuh sin mwet in luti sucu lal ah sie tahfuh singucul lal ah ac fahk, "Ingena nga ahkfalyelah oruh ke sie tahfuh singucul luhk nuh sin Leum. *Ingena* nga puhla nwacsnwacs in usruk poun mwet kuhlwacnsap luhn Leum!" Tamuhlwel Krause el fahk nuh sihk tohkoh lah kaks uh tiac kuh in ahkuhtweyac luhpan emtuhng el puhla ah in nuhkuh lah tamuhlwel luhlalhfongi kuh se inge, suc tiac ohsun nuh sin Alu ke yac pucspucs, tuh ahkostwen ac tiac tui in eslah percent singucul ke mani lal in moli sie tahfuh singucul lal. El sefi ke el tiac etuh lah ngac kuh lah ac oasr pacl wowo lal in molwelah.

Tamuhlwel Walter Krause el misac ke yac yuc somlah ah ke matwac yac 94. El kuhlwacnsap ke luhlalhfongi kuh ac ahkostwen ke lusacn moul lal ac tuh oruh sie ma mokleyuck nuh sihk ac nuh sin mwet nuh kwewa ma etwac. Ke ngihrsreyuck in ahkfalye kunohkohn uh, el tiac wi kihsen siyuck, tohrkahskahs, ac el tiac wi sukoh srihpac uh.

Tamuhlwel ac tahmtahel wiyuck an, srihke yohk ke moul se inge pa

ahkostwen. God El fahk lah elos ac srihke kuht in liye lah kuht ac kuh in oruh ma nuh kwewa ma Leum God lasr ac sapkihn nuh sesr uh.¹⁰

Mwet Lahngo El fahkwack, "Elos nuh kwewa ma kena ke mwe insewowo luhn Leum enenuh in ahkos masap ac obiyac ma srihsngiyucki nuh ke mwe insewowo sacn, ke lutiyuck met liki pwelucng luhn facluh."¹¹

Wacngihn mwe srihkasrak wowo ke ahkostwen yohk likina ma luhn Mwet Lahngo. Paul el fahk kac:

"Tuhsruhktuh El ne Wen nuhtin God, El lotwelah in ahkos ke kweok Lal:

"Ke El ahksahfyelah ma nuh kwewa suhpweyuckme El nuh kac, El pa kuh in sang molwelah nuh selos kwewa suc ahksol."¹²

Mwet Lahngo El orwacalah luhngse wo liki nuh kwewa luhn God in moulkihn moul fas se, in ahkfuhlwac-tye misin muhtahl Lal. El tiac wi inse fuhlwact uh. El tiac wi sang nuh fac uh. El tiac wi nakantwen. El puhsisac pacl nuh kwewa. El inse pwacye pacl nuh kwewa. El ahkostwen pacl nuh kwewa.

El ne tuh srihfeyuck sin mwet srihfeyuck fuhlwact sac suc devil, El ne muhnahtah mahnol ke lalo ke lwen 40 ac fong 40 ac masrinsracllah, tuh ke mwet orekma koluk sac fahk nuh sel Jisus nuhnak na wowo ac srihfeyuck ah, El use nuh sesr mwe srihkasrak na muhtahl ke ahkostwen in sruhnga kuhflah liki ma El etuh muh pwacye uh.¹³

Ke El puhlakihn kweok ke Gethsemane, ma El kutong kain ngal se inge ma fiyoh kac uh tultul oacna srah nuh infohk uh,¹⁴ El pa mwe srihkasrak wowo se ke Wen ahkostwen se in fahk, "Pahpah fin oa luhngse lom, eslah kuhp in kweok se inge likiyuc. Tuhsruhktuh in tiac oa luhngse luhk, ac lwelah ma luhngse lom in oreklac."¹⁵

Ke obiyac se ma Mwet Lahngo El ahkuhtweyac nuh sin Mwet Sap Lal

met ah, El ahkuhtweyacy nuh sihk kom pac: “Fahsr tukuk.”¹⁶ Kuh kuht insese in ahkos?

Etuh se ma kuht suk uh, top ma kuht kena uh, ac kuh ma kuht kena mihsenge in sun ma upac luhn facluh ma tiac fihsrwacsr ac ekyek uh kuh in ma lasr kuht fin insese in ahkos masap luhn Leum. Nga sulpacna kalweni kahs luhn Leum ke El fahk lah: Mwet se ma karihngihn masap luhn God uh eis ma pwacye ac kahlwem, ne ke na el kaksyakihiynyucklac ke ma pwacye ac etuh ma nuh kwewa.¹⁷

Pa pruhe puhsisac se luhk tuh kuht in kuh in ahkinsewowoyeyuck ke opi yohk uliyucklac nuh ke ahkos-twen. Ke inen Jisus Kraist, Leum ac Mwet Lahngo lasr, amen.

MWE KAHSRUH

1. “Oh Say, What Is Truth?” *On in Alu*, nacmpuh 272.
2. LiyeDoctrine and Covenants 93:24, 26–.
3. 1 Samuel 15:22
4. LiyeDoctrine and Covenants 64:34.
5. Liye1 Nephi 3:7
6. Genesis 22:12
7. Genesis 22:18
8. Joseph F. Smith, “Discourse,” *Deseret News*, Nohfohmpuh 12, 1873, 644.
9. Gordon B. Hinckley, “If Ye Be Willing and Obedient,” *Ensign*, Tisacmpuh 1971, 125.
10. Liye Abraham 3:25
11. LiyeDoctrine and Covenants 132:5.
12. Mwet Hibru 5:8–9
13. Liye Mattu 4:1–11.
14. Luk 22:44.
15. Luk 22:42.
16. John 21:22.
17. Liye Doctrine and Covenants 93:28.

Luti ke Pacl Lasr uh

Lesin luhn Melchizedek Pristut ac U luhn Muhtwacn in Kahsruh ke Sacnri ahkahkosr uh tuhfah orek ke “Teaching for Our Time.” Kais sie lesin kuh in ahkoe-yucklac ke soko sramsram kuh in puhs liki ma orek ke toeni luhlahp ma tuhfahna tari ah. (liye atacn tahk se ten an). Prestuhn luhn stek ac tisrik kuh in sulaclah sramsram ma in orekmakihnyuck uh, kuh elos kuh in sang kunohkohn se inge nuh sel pisap ac prestuhn luhn pracns. Mwet kol uh enenuh in ahkkahlwemye yohk srihpen mukul ke Melchizedek Pristut ac tahmtahel ke U luhn Muhtwacn in Kahsruh lutlutkihn sramsram sacpacna ke Sacnri sacpacna.

Elos suc wi lesin ke Sacnri-ahkahkosr ah ahkkweyeyuck in lutlutkihn ac use nuh ke kuhlals mackuhsin ke toeni luhlahp ma tuhfahna orek uh.

Ma tohuyc nuh ke ahkoeyacn Lesin se ke Sramsram uh

Pruhe tuh Nguhn Muhtahl fah wi kowos ke kowos e lutlutkihn ac luti sramsram (uh). Kowos kuh

in srihfucsryuck in orekmakihn kuhfa sahyac in ahkoo lesin an, tuhsruhk sramsram ke toeni uh pa ohiyacn luti se ma ahkkweyeyuck-lac uh. Kunohkohn lowos an pa in kahsruh mwet sahyac in etuh ac moulkihn wosacus uh ke lutyuck ke toeni luhlahp luhn Alu uh ma tuhfahna orek uh.

Sifil liye sramsram (uh), liye ke ip yohk ac mwe luti ma sun enenuh luhn mwet ke kuhlals an. Suk pac ke pohloh sramsram, ma kahlwem ke ma suhmuhslah, ac pohloh fahk ke sramsram uh ma ac fah kahsrwe kowos luti ma pwacye uh.

Oruh sie tahk an ke ohiyacn luti ke ip yohk ac mwe luti uh. Nuhnkuh in sang kihsen siyuck ma kahsruh mwet ke kuhlals an:

- Suk ke ip yohk ac mwe luti ke sramsram (uh).
- Nuhnkuh ke kalmeyac lalos.
- Akacsruhi ke etuh, mwe nuhnak, ma puhlakihnyuck, ac fahkwack luhlalfongi an.
- Orekmakihn ip yohk inge ac mwe luti uh ke mouh lalos an.

MAHLWEM MA LESIN UH LUTUYUCK	KUHFA LUHN LESIN KE SACNRI-AHKAHKOSR
Eprel 2013–Ohktohpa 2013	Sramsram oreklac ke toeni luhlahp ke Eprel 2013*
Ohktohpa 2013–Eprel 2014	Sramsram oreklac ke toeni luhlahp ke Ohktohpa 2013*

**Nuh ke lesin ke Sacnri ahkahkosr ke Eprel ac Ohktohpa an, sramsram (uh) kuh in sulohsohllah ke toeni orek met ah kuh ke ma tuhfahna tari ah. Sramsram uh oasr ke kain kahs pucspucs ke conference.lds.orgconference.lds.org*



Sel Prestuhn Henry B. Eyring

Mwet in Kahsruh Se Met ke Prestuhnsi Se Met

“Fahsruh nuh Yuruk”

Ke kahs Lal ac srihkasrak Lal, Kraist El ahkkahlwemye nuh sesr ohiyac in fototoeni nuh Sel.

Nga kulohkihn in wi kowos ke toeni se inge luhn Alu luhn Jisus Kraist luhn Mwet Luhlahlfongi ke Lwen-sahflah. Pa inge Alu Lal uh. Kuht eis Inel nuh in kuht ke kuht ilyak nuh in tohkohsrahi Lal. El pa God, Mwet Orwaclah facluh se, ac fas. Kuht mwet ma kuh in misac ac oruh ma koluk. Tuh ke luhngse Lal nuh sesr ac sucu lasr uh, El sulikuht in fototo nuh Yohrohl. Pa inge kahs Lal uh: Fototome nuh Yuruk ac Nga fah fototowot nuh yurum; oaru in sukyuc ac kowos fah konweyucyak; siyuck, ac kowos fah eis; tongol, ac e fah ikacklah nuh suwos.¹

Ke pacl in Istuh se inge, kuht ahkacsmakihnyeyuck lah efuh kuht luhngse El ac ke olwelah El oruh nuh sin mwet tuhama lutlut luhlahlfongi kuh Lal in oruh kawuck sacohk Lal. Mwet Lahngo El orwaclah olwelah sac ac fahk nuh sesr ohiyac uh, ke kuhlwaconsap lasr nuh Sel, El tuhkuh nuh yohrohsr. Sie mwe srihkasrak oasr ke fwackyuck se nuh sel Oliver Cowdery ke el kuhlwaconsapuh Leum in weluhl Mwet Pahluh Joseph Smith ke luhngasyacn Puk luhn Mormon: Liye Oliver, Nga sramsram nuh sum ke srihpen kena lom an;

pwacnwacng eis kahs inge liyacacng ke insiyom. Oruh in luhlahlfongi kuh ac oaru in karihngihni masap luhn God ac Nga fah apihskowi in paho luhngse luhk uh.²

Nga puhlakihn engan ke tuhkuh fototo nuh yurin Mwet Lahngo ac ke tuhkuh fototo Lal nuh sihk ke mukwkwkwi srihsrihk ke ahkostwen nuh ke masap uh.

Oasr kain puhla se lowos. Ac kuh in ke kowos sulaclah in wi toeni ke kuhfa luhn Leum. Pa nuh sihk ke lwen Sahpuht ke nga tuh fuhsr ah. Ke pacl ingoh, kuht eis kuhfa luhn Leum ke miting in ekuh uh. Esamtwen ke lwen se ke yac 65 kuh puhs liki somlah ah, ke nga karuhnganwacng masap in wi sucu luhk ac Mwet Luhlahlfongi uh tuhkweni, nwe ke ahkfototoyeyuc nuh yurin Mwet Lahngo.

Lohsr ac ohu lukunum ac. Nga esam in puhla kahlwem ac fuhsrfuhsr lun lohm in alu sac ke ekuh sac wi pahpah ninac kiyuck ah. Kuht eis ke kuhfa luhn Leum, karihngihnyuck sin mwet sruok Aaronic Pristut, olweacng nuh sin Pahpah tuhmasr Inkuhsrao in esam Wen Nahtuhl ac karihngihni masap Lal pacl nuh kwewa.

Ke sahflahiyacn miting sac kuht yuck on in alu “Abide with Me; ‘Tis Eventide,” ke kahs kac ah “O Savior, stay this night with me.”³

Nga puhla luhngse luhn Mwet Lahngo ac fototoyang ke ekuh sac. Ac nga puhla ahkwo luhn Nguhn Muhtahl.

Nga ke sifil fohlohkohnma puhla ke luhngse luhn Mwet Lahngo ac fototome Lal nga puhla ke miting in kuhfa luhn Leum sac ke pacl nga fuhsr we ah. Na nga karuhnganwacng pac sie masap. Nga suk ke ma suh-muhslah. Kac, nga etuh lah nga kuh in sifil fohlohk in eis Nguhn Muhtahl in lwelah ngan puhla ma mwet tuhama lutlut luo luhn Leum moulyak sac puhla ke El inseselac ke solsol lalos in tuhkuh nuh in lohmselos ac tuhkweni nuh yohrohlos.

Nga riti ke lwen ahktolu tukun Srihsrihpyak ac puckpucki Lal. Muhtuhn luhlahlfongi kuh ac kuhtuh sahyac liyacack lah yot sac ipiylac liki luhf in kuclyuck sac ac liyacack lah Mahnol wacngihnlac we. Elos tuhkuh ke luhngse lalos nuh Sel in akmuhsrai Mahnol.

Lihpufacn luo tulac siskac ah ac siyuck lah efuh elos sahngweng, fahk muh:

“Efuh kowos kuh suk El suc moulinmahsrln mwet misac?”

“El tiac oasr inge, El ahkmoulyeyuckyak tari. Esam ma El tuh fahk nuh suwos ke muhta Galilee ah,

“Fahk muh, Wen nuhtin mwet El fah ituckyang nuh in poun mwet koluk, ac El ac fah acnwucki fin sahseng soko, na tuhkuh lwen tolu El ac fah sifil moulyak.”⁴

Ke Wosasuc lal Mark el sang weacng srihsrsrihsr sin sie lihpufacn:

“Som ac fahkwack nuh sin mwet tuhma lutlut ac Peter, lah el ac som meet liki kowos nuh Galilee, kowos ac fah liyacl we, oacna ke el fahk nuh suwos.”⁵

Mwet Sap ac mwet tuhma lutlut fahsrweni nuh Jerusalem. Sahrp oacna kuht, elos sahngweng ac motko ke elos sramsram nuh sie ke kalmacn nuh selos misac sac ac sulkackihnyac lah El moulyak.

Luo sin mwet tuhma lutlut ah fahsr ke ekuh sac ke inkacnek soko Jerusalem lac nuh Emmaus. Kraist moulyak sac sikyang ke ekuh sac ke inkacnek soko ah ac weluhlos fahsr. Leum El tuhkuh nuh yohrohlos.

Puk lal Luk lwelah nuh sesr in weluhlos fahsr:

“Ac ke eltahl kahskahs ac asiyucki ke ma inge, Jisus sifacna El kihluc-kyang ac weluhltahl fahsr.

“Eltahl liyacl, tuhsruhk eltahl tiac na akihlacnuhl.

“Jisus El fahk nuh seltahl, Meac komtacl fahsr sruhmuhn an? Eltahl tuhkweni tui ac ngwetngwet in ahsor.

“Sie seltahl suc pahngpahng Cleopas el siyuck sel, Meac, kom muhkweni pa mwet muhtwacta se nuh Jerusalem, ma tiac etuh ke ma orek we ke lwen ekahsr somlah me?”⁶

Elos fahk nuh Sel ke ahsor lalos lah Jisus el misac ke elos luhlalfongi muh El pa Mwet in Molwelah luhn Israel.

Ac kuh in oasr puhla ke puhsrwen Leum ahkmoulyeyuckyak sac ke El sramsram nuh sin mwet tuhma lutlut ahsor ac yok srah luu uh:

“Na Jisus El fahk nuh selos, Pwac-yelah komtacl arulacna afohn! Efu kuh pahltac komtacl in luhlalfongi ma nuh kwewa mwet pahluh ah fahk?

“Yac tiac enenweyuck tuh Kraist elan kweok ke ma inge, na el fah utyak nuh in wolacna Lal?

“Ac Jisus El ahkuhtweyac nuh seltahl ma fahk kac in ma suhmuhsrah nuh kwewa, muhtwacwacack ke puk lal Moses, fahsr nuh ke ma sihmlac sin mwet pahluh nuh kwewa.”⁷

Na tuhkuh kihin pacl ma ahk-fucsfucsr ye insiyuck ke nga tuh kihin tuhlihk mukul se ah:

“Ke eltahl apkuhran in sun siti srihsrihk se eltahl fahsr nuh we ah, Jisus El oruh oacna muh El ac fahlac na.

“Tuh elos ikolilyac ac fahk, Tari muhta yohrohrs, mweyen fongweni pa inge. Ohinge El utyak ac monglac yohrohltahl.”⁸

Mwet Lahngo El inseselac ke fong sac solsol se in ilyak nuh in lohmi sin mwet tuhma lutlut Lal siskacn mura se Emmaus.

El pihtucki ac ohsun nuh yohrohlos. El eis fuhlah, ahkinsewowoyelah, kuhnsaclihk, ac sang nuh selos. Muhtahltahl ikackaclihk elos in muh Etwacl. Na El wacngihnlac luhkwelos. Luk el suhmuhsrah nuh sesr puhla luhn mwet tuhma lutlut ahkinsewowoyeyuck ah: “Na elos fahk nuh sin sie sin sie, Yac insiyacsr tiac fucsfucsfucsr ke engan, oacna sie e tayak in kuht, ke El sramsram nuh sesr inkacnek uh ac ahkuhtweyac nuh sesr ke ma suhmuhsrah?”⁹

Ke ao sacpacna, mwet tuhma lutlut luu ah suhlahklahk fohlohk nuh Jerusalem in fahk nuh sin Mwet Sap singucul luu ah ma sikyak nuh selos ah. Ke puhlan pacl sac Mwet Lahngo El sifil pac sikyang.

El sifil fahk ke palye luhn misin Lal in iwe nuh ke ma koluk luhn tuhlihk nuh kwewa nuhtin Pahpah Tuhtmwacl ac in kuhnahoslah kapihr luhn misac.

“Ac fahk nuh selos, Pa inge ma sihmlac uh: Kraist El ac fah kweok, ac El ac fah moulyak liki misac ke lwen ahktolu:

“Pweng ke auliyak ac nuhnak muhnahs ke ma koluk enenuh in lutyuck in facl nuh kwewa, muhtwacwacack Jerusalem.

“Kowos mwet loh ke ma inge.”¹⁰

Kahs luhn Mwet Lahngo pwacye pac nuh sesr oacna nuh sin mwet tuhma lutlut Lal met ah. Kuht mwet lohoh ke ma inge. Ac sap wolacna kuht inseselac nuh kac ke kuht pacptaislac nuh ke Alu luhn Jisus Kraist luhn Mwet Luhlalfongi ke Lwen-sahlah pa oreklac kahlwem nuh sesr sel mwet pahluh Alma foko nuh ke foko yac somlah ah ke kof luhn Mormon:

Alma el fahk nuh sin mwet lal suc ma oasr ke kof luhn Mormon (tuh pa inen acn sac) el kena in tuhkuh nuh yurin God ac in pahngpahng elos mwet Lal, ac insese in akacsruhi ke toasr luhn kais sie tuh elos in muhlahlahyak,

Ac inseselac in yok srah weluhlos suc yohk sra ac ahkwoyelos suc enenuh in ahkwoyeyuck, ac tulac in oruh mwet loh luhn God ke pacl nuh kwewa ac ke ma nuh kwewa, ac ke acn ma elos ac oasr we uh, finne ne ke misac, elos in muh kuh in moullac sin God, ac in weluhlosyang suc ke moulyak se emet, tuh in oasr mou ma pahpaht lalos—

Alma el siyuck selos lah pa inge kena luhn insiyaclos, na efuh elos tiac pacptaislac ke Inen Leum in oacna mwet loh nuh Sel lah elos ilyak in oruh olweacng se nuh Sel tuh elos in kuhlwacnsapwacl ac karihngihn masap Lal Elan muh ukwiyac in yohk Nguhna nuh yohrohlos.

Ke mwet ah lohng kahs ingoh elos pahspahlah ke engan ac tuhngiyac lah pa inge kena luhn insiyaclos.¹¹

Kuht oasr ye olweacng kwewana in kahsruc ac ahkkweyacos suc enenuh ac in mwet loh luhn Mwet Lahngo ke lusacn moullac uh.

Kuht ac kuh in oruh wo muhkweni ke kuht puhla luhngse nuh sin Mwet Lahngo ac luhngse Lal nuh sesr. Ke kuht luhlalfongi kuh ke olwelah kuht orwacnah tari, kuht ac puhla luhngse lasr nuh Sel. Ac fah yohkwelihk ke srihpen kuht ac puhla kuh Lal ac fototome Lal ke kuht oruh kuhlwacnsap nuh Sel uh.

Prestuhn Thomas S. Monson el kwacna ahkacsmakihnye kuht ke olwelah luhn Leum nuh sin mwet tuhma lutlut luhlalfongi kuh Lal lah elos suc eis mwet kuhlwacnsap Lal El ac oasr pac we, tuh El ac som nuh ye muhtahlos. El ac oasr ke lacyot ac lacsac lalos, ac Nguhna Lal fah oasr insiyaclos, ac lihpufacn fah raunweloslac, in sruhkuhlosyak, som nuh ye muhtahlos.”¹²

Oasr pac sie ohiyac ma nga kom puhla Elan fototo nuh yohrohrs. Ke

kuht sang kuhlwacnsap oaru nuh Sel, El fototo nuh yohrohlos suc kuht luhngse in sucu lasr uh. Pacl nuh kwewa nga enenweyuck nuh ke kuhlwacnsap luhn Leum in mukwi nuh ke sie acn sahyac in muhta we kuh in som liki sucu luhk, nga liyacack lah Leum el ahkinsewowoye muhtwacn kiyuck ac tuhlihk nuhtihk. El ahkolah mwet kuhlwacnsap luhngse Lal ac pacl wowo in ahkfototoyelos sucu luhk uh nuh Yohrohl.

Kowos puhla kain insewowo sacna ke moul lowos. Puhs suwos oasr mwet kowos luhngse ma kuhflah liki inkacnek nuh ke moul ma pahtpaht. Kowos motko muh meac pac kowos kuh in oruh in usaclosme. Kowos kuh in luhlalhfongi ke Leum in fototoyang nuh yohrohlos ke kowos ac kuhlwacnsapwac ke luhlalhfongi kuh.

Kowos esam olwelah luhn Leum nuh sel Joseph Smith ac Sidney Rigdon ke elos som liki sucu lalos ke sap Lal uh. Leum El fahk nuh sel Sidney ac Joseph, lah sucu lalos uh fokoko; elos oasr Inpacol, ac El ac oruh kaclos ma El sulacalah muh wo uh; tuh El kuhlacna.¹³

Oacna Alma ac Tohkohsrah Mosiah, kuhtuh suwos pahpah ninac luhlalhfongi kuh an kuhlwacnsapuh Leum ke pacl loeloes ac oasr na tuhlihk nahtuh ma kuhfkuhf finne pahpah ninac kiyaclos an kihsackihn nuh sin Leum. Elos orwacalah kwewa kuhiyaclos, ke wacngihn kahsrweyac, finne ke kahsrüh sin mwet luhngse ac kawuck luhlalhfongiyuck.

Alma ac Mwet Luhlalhfongi ke pacl lal pruhe ke wen se nahtuhl ah ac wen nahtuhl Tohkohsrah Mosiah. Lihpufacn se tuhkuh. Pruhe lowos an ac pruhe lalos suc ahkpahye luhlalhfongi lalos fah use mwet kuhlwacnsap luhn Leum in kahsrüh mwet ke sucu lowos an. Elos ac kahsrwelos sulacalah inkacnek in som nuh yen selos yurin God, finne ke elos lainyuck sin

Setuhn ac mwet ukwacul uh, suc la srihpac in kuhnahoslah sucu ke moul se inge ac ke ma pahtpaht.

Nga esam kahs sruhmuhnyuck sin lihpufacn sac nuh sel Alma Fuhsr ac wen nahtuhl Mosiah ke lokoalok lalos: Lihpufacn sac fahk nuh sel Alma lah el tuhkuh nuh yohrohl ke srihpac Leum El lohng pruhe luhn mwet lal ac oacyacpac pruhe luhn mwet kuhlwacnsap lal, pahpah tuhmwacul Alma ah. Lihpufacn sac fahk lah pahpah tuhmwacul Alma ah pruhe ke luhlalhfongi yohk tuh Alma lacn kuh in fohlohkihnyuck nuh ke etuh se ke ma pwacye uh; pwacnwacng, ke srihpac se inge lihpufacn sac tuhkuh in kwacfel Alma ke kuh ac wal luhn God, lah pruhe luhn mwet kuhlwacnsap luhn Leum kuh in toplac oacna ke luhlalhfongi kuh lalos uh.¹⁴

Olwelah luhk nuh suwos suc pruhe ac kuhlwacnsapuh Leum tiac pa kowos ac eis insewowo nuh kwewa kowos kuh in finsrak nuh kac nuh suwos sifacna ac sucu lowos an ke ma wo emet. Tuhsruh nga kuh in olwelah nuh suwos lah Mwet Lahngo El fah fototoeni nuh yuruwos ac ahkinsewowoye kowos ac sucu lowos an ke ma wo emet. Kowos ac eis ahkwo ke luhngse Lal ac puhla Lal lah El fototome in topuk pruhe lowos an ke kowos saplaklac in sang mwe insewowo nuh sin mwet sahyac. Ke kowos sang mwe kahsrüh kuh kahsrwelos suc enenuh ac sang ahknwacsnwacslah ke Iwacalah Lal nuh selos suc puhla ahsor ke srihpac ma koluk, kuh luhn Leum fah ahkkweyewe kowos. Pahol orekwelikh wi pouwos in kahsrüh ac ahkinsewowoye tuhlihk nuhtin Pahpah tuhmasr Inkuhsrao, weacng mwet ke sucu lowos an.

Oasr ahkolah wolacna se nuh ke tuhkuh nuh yen sesr uh. Na kuht ac fah liye olwelah luhn Leum ahkfalyeyucklac. El pa pain kuht nuh ke moul ma pahtpaht nuh Yohrohl ac Yurin

Pahpah tuhmasr Inkuhsrao. Jisus Kraist El ahkuhtweyac ohinge:

Suk in use ac akiyac Saion Lal. Karihngihn masap Lal ke ma nuh kwewa.

Kuht fin karihngihn masap Lal uh ac kutong ne ke sahflah, ac oasr moul ma pahtpaht lasr, suc ma yohk liki mwe sang nuh kwewa luhn God.¹⁵

Nuh selos suc moul fah usruu fac-luh, ac selos suc misac fah monglac liki orekma lalos, ac orekma lalos fah weluhlos, ac elos ac eis kuhsra lalos ke lohm fuhlwact luhn Pahpah, suc Jisus Kraist El ahkolah nuh selos.¹⁶

Nga fahkwack lah kuht kuh ke Nguhn in ukwe solsol luhn Pahpah Lucng: Pa inge Wen Kuloh nuhtihk! Porongwac!¹⁷

Ke kahs Lal ac mwe srihkasrak Lal, Kraist El ahkkahlwemye ohiyacn fototoyang nuh Yohrohl. Tuhlihk nuh kwewa nuhtin Pahpah Lucng suc sulaclah in ilyak ke motonwac ke pacptais nuh ke Alu Lal fah eis pacl wowo in lutyuck ke wosasuc Lal ac in lohng sin mwet kuhlwacnsap pahngyak Lal ke solsol Lal "Fahsrüh nuh yuruk."¹⁸

Mwet kuhlwacnsap olweacng Lal nuh kwewa lun tohkohsrahi Lal fin facluh ac ke facluh luhn nguhn fah eis kolyuck Lal sin Nguhn ke elos ahkinsewowoye ac kuhlwacnsapuh mwet sahyac nuh Sel. Na elos ac puhla luhngse Lal ac sokwack engan ke fototoyang nuh Sel.

Nga sie mwet lohoh ke Moulyak luhn Leum oacna na pwacye nga in oasr we ke ekuh sac wi mwet tuhma lutlut luo ah lun lohm se ke inkacnek Emmaus ah. Nga etuh lah El moul oacna na pwacye Joseph Smith ke el liyacack Pahpah ac Wen ke kahlwem pihkapak ke sie lututacng ke un sahk Palmyra ah.

Pa inge Alu pwacye luhn Jisus Kraist uh. Ke ki luhn pristut sruckyuck sel Prestuhn Thomas S. Monson muhkwen pa kuh nuh sesr in siliyucki

nuh ke sucu uh in moule ne tok yurin
Pahpah tuhmasr Inkuhsrao ac Leum
Jisus Kraist. Ke Lwen in Nuhnkuh
kuht ac fah tulac ye muhtuhn Mwet
Lahngo, angwetwacni. Ac pacl in
engan nuh selos suc fototoyang nuh
Yohrohl ke kuhlwacnsap Lal ke moule
se inge. Ac mwe engan se in lohng
kahs uh: “Kom mwet kuhlwacnsap
wo ac oaru, wona orekma lom.”¹⁹ Nga
fahkwack na pwacye oacna sie mwet
lohoh luhn Mwet Lahngo ahkmoulye-
yuckyak sac ac Mwet in Molwelah lasr
ke inen Jisus Kraist, amen.

MWE KAHSRUH

1. Liye Doctrine and Covenants 88:63.
2. Doctrine and Covenants 6:20
3. “Abide with Me; ’Tis Eventide,”
On in Alu, nacmpuh 165.
4. Luk 24:5–7.
5. Mark 16:7.
6. Luk 24:15–18.
7. Luk 24:25–27.
8. Luk 24:28–29.
9. Luk 24:32.
10. Luk 24:46–48.
11. Liye Mosiah 18:8–11.
12. Liye Doctrine and Covenants 84:88.
13. Liye Doctrine and Covenants 100:1.
14. Liye Mosiah 27:14
15. Liye Doctrine and Covenants 14:6–7
16. Liye Doctrine and Covenants 59:2.
17. Joseph Smith—History 1:17
18. Mattu 11:28.
19. Mattu 25:21.